

سنه لکی درسعادت ایچون مجیدیه
یکرمی غروش حسابیله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکمه عدلیه

آبونه اولقی ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

مدالیه

عدلیه ومذاهب ناظری ایتلو دولتو عبدالرحمن
پاشا حضرتلرینه حجاز تیور بولی مدالیه سی احسان
بیورلمشدر .

تبلیغات

جنایت نظریله باقیلورده بالآخره مستنطقلکجه
جنحه درجه سنده کوریلان برجرمک تحقیقات استنطاق
قیه سی نتیجه سی اوله رق جنایت نوعندن اولیوب جنحه
درجه سنده بولندیغنه دائر ویریلان قرارده جنایت
ادعاسندن منع محاکمه و جنحه حقه ده لزوم محاکمه
تعبیرلری حاوی آرو آرو ایکی فقره ایله می یوقسه
جنایت نوعنک عدم ثبوتی افاده ایدر برقید سایی
متضمن یالکز جنحه محکمه سنده لزوم محاکمه یه قرار
وبرلمکله می اکتفا ایدلمک اقتضا ایده جکنک وهرایکی
صورته منع محاکمه قراریه عدم ثبوت قید سلبیسنک
رئیس محکمه جانبندن تصدیق لازم کلوب کله جکنک
نعمینی ایله برابر مستنطقلرله هیئت اتهامیه معذرت
ومعافیت مثللو احوالک تقدیرینه صلاحیت بخش
ایدلمسی حقه ده اشقودره ولایتی استیناف محکمه سی
مدعی عمومیلکندن وقوعبولان اشعار اوزرینه امور
جزایه مدیرتندن یازیلان درکنارده . مستنطقلرک
لزوم ومنع محاکمه قرارنامه لری اوصاف قانونیه یی
جامع اولان فعلک ذات و ماهیتنه معطوف اولوب
جنحه وقباحت اولسنه قابلیت درکار اولان افعال
احوال موجودیه نظراً برجهتدن طولانی لزوم محاکمه
قرارینه ربط ایدلکده دیگر جهتک اعتباری وصف
قیلندن قاله رق منع محاکمه قراری ورئیس محکمه نک
رد ویا تصدیق مثللو معاملات قانونیه یه اساس اوله
میجنی ومستنطقلر ایله هیئت اتهامیه نک اسباب مادیه
وقطعیه نک وجودی حالنده معافیت ومعذرتی قرار
نامه لربه اساس اتخاذ ایدرک اولوجهله منع محاکمه
قراری اعطا ویا لازم کلان محکمه یه سوق دعوی
ایده جکلری مطالعه درمیان قلمش ایسه ده مجازات

ترهیبیه یی مستلزم بر فعل ایله مظنون علیه حقه ده
لازم کلان تحقیقاتک حواله ایدلکی مستنطق عند
التحقیق اول جنایتک مرتکبی اولدیغنی مؤید هیچ
بر دلیل واماریه اقتران ایده میوب فقط مجازات تأ
دیبه یی مستلزم بر فعلک فاعلی اولدیغنه دائر دلائل
قانونیه یه دسترس اولدیغنی تقدیرده مدعی عمومینک
مطالعهنه بالاستماع جنایت ادعاسندن منع محاکمه سیله
جنحه محکمه سنده لزوم محاکمه سینه قرار ویرمسی مقتضی
اولوب چونک دلائل قانونیه یه مقارن اولیان جنایت
ادعاسندن منع محاکمه سینه قرار ویرمسی صورته
اساساً مظنونیتی موجب اولان ادعانک مسکوت عنه
قاله جفندن بشقه لزوم محاکمه قرارینک دخی ماده
مدیه موجب جنحه رئیس محکمه نک تصدیقندن مستغنی
اولمی اعتباریه اشد مجازاتی مستلزم اسناد اولنن
فعلک یالکز مستنطقک رأی خودیه بلا تدقیق قلمسی
موجب اوله رق بوایه مصالحک سلامتتی سکتهدار
ایده جکندن هر حالده جنایت فعلیه مظنون علیه
اولوبده لدی التحقیق فعل مذکوره مجامرتی مؤید
اماریه اقتران اولنه میهرق ظاهر اولان دلائله مبنی
جنحه ایله لزوم محاکمه سینه قرار ویریلانلرک جنایت
ادعاسندن منع محاکمه لربه دائر مستنطقلر جانبندن
تنظیم قلنه جق قرارنامه لره بر فقره مخصوصه درجیه
بوقرارلرک رؤسای محاکمه تصدیق ایتدیرلمسی ومعذرت
ومعافیت مثللو احوالک تقدیری بخشه کلنجه حد
ذاتنده مستنطقلرک تقدیر دلائله مأذونیتلری قانوناً
تجویز اولنه میوب فقط لزوم محاکمه لربه قرار ویر
دکاری مظنون علیهمک مرتکب اولدقلری فعلک تماس
وتوافق ایدلکی مواد قانونیه یی ارأه ایله اولوجهله
لزوم محاکمه لربه قرار ویرملری مقتضیات احکام
قانونیه دن اولسنه و ارأه ایدله حک مواد قانونیه
جرمک ماهیتیه مرجع محاکمه یی تعیینه مدار استدلال
اوله جنی درکار بولمنه مبنی صور مشروحه دائره
سند تمشیت اموره اعتنا اولنسی لازم کله جکی انجمن
عدلیه افاده سیله ذکر اولنان مدعی عمومیلکه جواباً
تبلیغ ایدلمشدر .

زراعت باقهنه سی ومال صندوقلرینه باسند مصدق
مدیون اولوبده دینلری قبل الایفا وفات ایدن اعشار
ملترم وکفیللرینک اموال منقوله لری بولندیغنی حالده
اموال غیر منقوله لرندن املاک واراضیسنک ورثه لری
علیه نه یکیدن حکم استحصانه حاجت قالمقسنزین اشبو
دینلری ایچون صاتیله سیلوب صاتیله میه جنی استفسارینه
دائر ترجان قضایی بدایت محکمه سی ریاستندن وارد
اولان تحریراته ، مطلوبات مذکورده دن طولانی اصالة
وکفالة مدیون بولنانلر حقه ده جریان ایدن معامله
تحصیلیه بولنرک ورثه سی حقه ده اجرا اولنقی لازم
کله جکندن زراعت باقهنه سیله اعشار التزامندن طولانی
جانب میری یه بورجی بولنان ملترم وکفیللرینک اول
بایدکی سندات موجب جنحه اموال غیر منقوله لرینک
فروختی ایچون ورثه سی حقه ده یکیدن حکم استحصا
لنه حاجت اولمدیغنک انجمن عدلیه افاده سیله جواباً
مذکور ریاسته تبلیغی ضمننده اضروروم ولایتی استیناف
محکمه سی مدعی عمومیلکنه اشعار کیفیت قلمشدر .

سرقت ماده سندن طولانی حسن یوسف نام
شخصک ایکی سنه حبسنی متضمن اولان اعلام غیا
بینک کسب قطعیت ایدلکدن صکره قطع طریق ماده
سندن طولانی بش سنه کورک جزاسیله محکومیتنی حاوی
اعلام موجب جنحه مدت جزائیهنه سنی اکیال ایدرک تخلیه
اولنه جنی صره ده حبسخانه مدیرتندن ویریلان
مذکوره محکوم اولدیغنی ایکی سنه مدت حبسنک دخی
بشقه جه اکیال ایتدیرلمسی بیان اولنمش اولوب حالبوکه
بویله متعدد جرائمله مظنون بولنان کسانک توحید
محاکمه لری ممکن اوله مدیغنی تقدیرده لاحق اولان
متعدد حکملرک اک آغیرینک اجرامی جریده محاکمه
مندرج محکمه تمیز اعلامندن استنباط اولنقده ایدو
کندن بخله استفسار معامله یه دائر اشقودره ولایتی
محکمه استینافیه سی مدعی عمومیلکندن وارد اولان
ایکی قطعه تحریرات اوزرینه ایجاب کیفیت انجمن
عدلیه جه لدی التذکر جرائم متعددده ایله مظنون بولنان
کسانک عندالحاکمه ثبوت بوله جق جرملردن اک آغیر

جزای موجب اولان فعللرندن طولانی ترتیب مجازاتی ايله جرائم سائرتهك اسباب مشدده دن عد ایدلسی قواعد مسلمة قانونیه جمله سندن اولوب حالبوکه اشبو قاعده نك تطبیق واجراسی توحید محاکمه صورتهله ممکن اوله سله جگنه وحسن یوسف حقدده ایسه و قبله توحید محاکمه ایدلسه رك مرقومك آرو آرو ایکی قطعه اعلام ايله محكوم بولندیقی سیاق اشعاردن مستفاد اولسنه و کسب قطعیت ایدن هر بر اعلامك مرعیت احکامنه اعتنا ایدلک مقتضیات احکام قانونیه دن اوله رق مار الذکر محکمه تمیز اعلاسی بومثللو اکتساب قطعیت ایلیان اعلاملر ايله محكوم بولنان اشخاص حقارنده مابه للتطبیق اوله به جفی درکار کورنمسه منی سرقتدن طولانی ایکی سنه مدت حبس حکمنی حاوی اعلامك دخی بشقه جه تنفیذ واجراسی لازم کله جکی انجمن مذکور دن افاده قلمنش اولغله آکا کوره ایجابنك اجراسی جواباً مذکور مدعی عمومیلکه تبلیغ اولمشدر .

محاکمه قتل

چاک ناحیه سی اهالیسندن بیرامچلی حسن اوغلی ابراهیمك آغجه سی وعلینك تفککی قطع طریق صورتهله اخذ و عصب ایتسندن دولای جنایتله متهم اولان ناحیه مذکورتهك طوغاچه قریه سندن علی بن محمدك اوچ سنه مدته کورکه قولسنه دایر قلعه سلطانیه سنجانی بدایت محکمه سی جزا دایره سندن ویریلان قرق اوچ نومرولی اعلام محکمه تمیز جزا دایره سنجه تصدیق اولمشدر .

یکشهر قضا سنك عثمیه قریه سندن علی اوغلی مصطفای قتل ایلدیکی ادعا اولمشندن دولای جنایتله متهم اولان حسین بن حطیش ابراهیمك اون بش سنه مدته کورکه قولسنه دایر ارطغرل سنجانی بدایت محکمه سی جزا دایره سندن ویریلان یتش ایکی نومرولی اعلام محکمه تمیز جزا دایره سنجه تصدیق اولمشدر .

خداوندکار ولایتك تیمور طاش محله سی اها- لیسندن کور احمدك کیفیت قتلندن دولای جنایتله متهم اولان سایان بن بکرک اون بش سنه مدته کورکه قولسنه دایر ولایت مذکوره استیناف محکمه سی جزا دایره سندن ویریلان ایکویزیکری اوچ نومرولی اعلام محکمه تمیز جزا دایره سنجه تصدیق ایدمشدر .

آچه طاش قضا سندن حاجی عمر اغا زاده امین اغا ايله مغردیج اوخانسك دکاتلری کشاد ایده رك

اشیالری سرقت ایتسندن دولای جنایتله متهم اولان حاجی ولی بن حاجی برنی اوغلك درت سنه سنه مدته کورکه قولسنه دایر ملاطیه سنجانی بدایت محکمه سی جزا دایره سندن ویریلان یوز یتش بدی نومرولی اعلام محکمه تمیز جزا دایره سنجه تصدیق ایدمشدر .

یحقیقی عله سندن قریه طاشك کیفیت قتلندن دولای جنایتله متهم اولان یحقیچیلردن یورکی ولد قسطنطنیک اون بش سنه مدته کورکه قولسنه دایر خداوندکار ولایتی استیناف محکمه سی جزا دایره سندن ویریلان ایکویز اوچ نومرولی اعلام محکمه تمیز جزا دایره سنجه تصدیق قلممشدر .

کورکه قریه سی اهالیسندن مصطفانك ماده قتلندن طولای جنایتله متهم اولان قریه مذکورتهك قتضاح بن امین عبداللهك بش سنه مدته کورکه قولسنه دایر سلیمانیه سنجانی بدایت محکمه سی جزا دایره سندن ویریلان اون بر نومرولی اعلام محکمه تمیز جزا دایره سنجه تصدیق قلممشدر .

انقره ولایتك قبا باشی محله سی اهالیسندن نعلبند بکر اوغلی خلیل ابراهیمك ضرباً وفاته سیبیت ویرمسندن طولای جنایتله متهم اولان اسماعیل بن قصاب اوغلك اون بش سنه مدته کورکه قولسنه دایر ولایت مذکوره استیناف محکمه سی جزا دایره سندن ویریلان یوز طقسان بر نومرولی اعلام محکمه تمیز جزا دایره سنجه تصدیق قلممشدر .

راشد جاوشك کیفیت قتلندن دولای جنایتله اتهام ایدیلن مصطفی بن صاری احمد و مرقومه معاونت ایتلرندن ناشی کدلك جنایتله متهم اولان رسومات قولجیلرندن حسین ايله احمد و محمد و قدیر و علیدن مصطفانك اون بش و دیکرلرینك اوچر سنه مدته کورکه قولسنه دایر سیدوب سنجانی بدایت محکمه سی جزا دایره سندن اعطا قتلان بشیوز بر نومرولی اعلام محکمه تمیز جزا دایره سنجه تصدیق ایدمشدر .

کره حدید قریه لی مصطفانك حرج و قتلندن دولای جنایتله متهم اولان مه اوغلی مصطفانك اون بش سنه مدته کورکه قولسنه دایر قسطنطونی ولایتی استیناف محکمه سی جزا دایره سندن ویریلان ایکویز قرق اوچ نومرولی اعلام محکمه تمیز جزا دایره سنجه تصدیق ایدمشدر .

فضاحت لسانیه ماده سندن ناشی مدلی قلعه سنده قلعه بند ایکن روسچقلی اسماعیل بن احمدی قتل ایتسندن دولای جنایتله اتهام اولنان عکالی یوسف

بن سلیمك اون بش سنه مدته کورکه قولسنه دایر مدلی بدایت محکمه سی جزا دایره سندن ویریلان ایکویز اوچر ایکی نومرولی اعلام محکمه تمیز جزا دایره سنجه تصدیق ایدمشدر .

ساعتجی سلمی روولور قورشونیه جرح ایتسندن دولای جنایتله متهم اولان اسکوب قصبه سنك وادار محله سنده مقیم رستم بن علینك اوچ سنه مدته کورکه قولسنه دایر قوصوه ولایتی استیناف محکمه سی جزا دایره سندن اعطا قتلان یوز اون بش نومرولی اعلام محکمه تمیز جزا دایره سنجه تصدیق اولمشدر .

بغداد ولایتك مکاره جیلر محله سنده مقیمه فاطمه بنت سلیمانك کیچه وقعی خانه سنه سرقت قصیدیه دخول ایتسندن دولای جنایتله متهم اولان حسن پاشا محله سی اهالیسندن عزیزی بن جاسمك اوچ سنه مدته کورکه قولسنه دایر ولایت مذکوره استیناف محکمه سی جزا دایره سندن ویریلان اون ایکی نومرولی اعلام محکمه تمیز جزا دایره سنجه تصدیق ایدمشدر .

قرعه سی اوغلی علینك کیفیت قتلندن دولای جنایتله متهم اولان احمد اوغلی عبداللهك اون بش سنه مدته کورکه قولسنه دایر آیدین سنجانی بدایت محکمه سی جزا دایره سندن اعطا قتلان یوز یتش اتی نومرولی اعلام محکمه تمیز جزا دایره سنجه تصدیق قلممشدر .

یوسف بن عبداللهك قتل اولندیقی ادعا قلمسندن دولای جنایتله متهم اولان بی صعب قضا سنك فرعون قریه سی اهالیسندن مسعود بن حوده نك اون بش سنه مدته کورکه قولسنه دایر نابلس سنجانی بدایت محکمه سی جزا دایره سندن ویریلان ایکویز قرق بش نومرولی اعلام محکمه تمیز جزا دایره سنجه تصدیق ایدمشدر .

یکرمی سکرانچی نسخه ده مندرج جنایت

محکمه سی اعلام نك مابعدی :

پانغالتیده آق بابا زقاغده اون سکر نومرولی خانه دن ساکن املاک دلالی الی یاشنده آستانه لی دیقرا ن پاپاسیان ولد آغوب وقعه کیچه سی ساعت بدی راده لرنده ایشندیکی کورولتی اوزرینه یتاغدن قالقوب یخچره دن باقدیغنده حریق وقوعوبلدیغنی آکلامسیله هان زقاغه چیقره رق میهمه نك خانه سی قارشوسنده خانه ده اقامت ایدن والدیه نك خانه سنه کیتدیکنده فوطینیک خانه سنك اوست قاتی هنوز

طوشتمقده اولدیغنی کوردیکی واهالی فوطینیک خانه سی قوسنی شدته اوردقاری حالده قیو آچیلمدیغنی کی یخچرودن سس دخی ایشیدیلدیکنی وبوصره ده تهله که زیاده لشمسیله خانه سنه کیتدیکنده متهمه فوطینیک آرقه قیودن ایکی صندوق قاچیرده رق کندی خانه لرینك آرقه قیوسندن حولی به قوشش وفوطینی ده صندوقلرک یاشنده طور مقده بولنش اولدیغنی کوردیکی مضبوط افاده سی وجهله بیان و اخبار ولدی الاستیضاح حریقدن اوچ بش کون اول متهمه نك خانه سنه کیشم ایسه ده اوطه ده وصفه دخالی کورمدیکی وحقده شهادت ایلدیکی شخص حاضر بولنان متهمه ایدوکنی تذکار ایلدی .

بوشاهدك ذات وشهادته نده یه جکی متهمه دن صورلدقده بوشاهد حریقدن اول خانه سنه کلدیکی جهته خایلری کورمالمش اولدیغنی ومخله جه قومشو- لرندن کیغورق روم مذهبه ادخال ايله فیزی ورده جگنه دایر برروایت دوران ایتدیکنسندن طولای بوشاهدلرک کتدوسنه خصوصتلی اولدیغسندن شهادتلی قبول ایتیه جکی سوبلدی .

پانغالتیده آق بابا زقاغسده اوتوز اوچ نومرولی خانه ده ساکن صوبه سی التش ایکی یاشنده جوژه اوسب ولد آندون وقعه کیچه سی ساعت بدی راده- لرنده خانه سنده کزتمکده ایکن قیو چالشیله آجیدیغنده قیوی چالان آنطوانك فوطینیک اوینی کوستروب باقدیغنده فوطینیک خانه نك زقاق یوزندن اوست قات قاپلامه سنده مائی قرمز ی برعلو کوردیکی وهان خانه سندن برقوغه آله رق مشربه ايله بانان محله دو آتش ایسه ده شدته هبوب ایدن روزکار صوبی طاغدیغنی جهته صوبی آتشك اولدیغنی محله یاشده- یه رمدیکنی وفوطینیک قوسنی شدته اوردقاری وصارصدقاری حالده قیوی آجیدقاری و حالبوکه خانه درونسده بریصلتی طویدیغنی مضبوط افاده سی وجهله بیان ولدی الاستیضاح اوصره ده فوقوق حس ایتدیکنی و کوردیکی علو براجزا علوی اولوب قونداق فلان اولدیغنی آبان ایتکه مرقوم اوسب قولاغی آغیر ایشتمکده اولدیغندن خانه درونسده کی فیصلاتی نصل طویدیغنی صورلدقده کرچه قولاغی آغیر ایشیدییورسده خانه درونسده کی طاقیردی وفصلاتی حس ایتکه دایدوکنی و کوردیکی علو درت بش آرشون یوکسکلیکنده ایدوکندن اوزایه خارچسندن اجزا قولیه میه جغنی وانحق ایکی آدم بریرینك اوموزینه جیقوب بالقونه باصلمق صورتهله علو اولان محله یتشیه سله جگنی وفوطینیک خانه سنه متصل خانه دن علو اولان محله یتشمک غیر ممکن اولدیغنی وحقنده شهادت ایلدیکی شخص حاضر بولنان متهمه ایدوکنی درمیان ایلدی .

بوشاهدك ذات وشهادته نده یه جکی متهمه دن صورلدقده برده یه جکی اولدیغنی سوبلدی .

پانغالتیده آق بابا زقاغده یکریمی برنومرولی خانه ده ساکن قوندریجی الی بش یاشنده آستانه لی مغردیج ولد سیمون دخی وقعه کیچه سی ایشندیکی برکورولتی اوزرینه باقدیغنده فوطینیک خانه سنك اوست قاتی یخچره خدا سندن باقمده اولدیغنی کورمکه یانغینی سوندریمك ایچون برقاچ کشی ايله فوطینیک قوسنی شدته جالدقاری و دیمه لککاری وصارصدقاری و باغردقاری حالده قیو آچیلمدیغنی وقیوی جالدقاری زمان خانه نك ایچنده آباق سساری ایشندیکی مضبوط افاده سی وجهله بیان و اخبار ولدی السؤل یانغین ایتسنده فوطینیک خانه نك اوست قاتندن یوم دیه برشی آتلیغنی وغاز قوموسی حس ایتدیکنی واولک ایچنده آتلیغنی بولندیغنی وحقنده شهادت ایلدیکی شخص حاضر بولنان متهمه ایدوکنی تذکار ایتدی .

واقع اولان استیضاح اوزرینه شاهدلردن جوژه اوسب کتدوسی متهمه نك خانه سنده آتلیغنی کور- مدیکی کی یوم دیه برصداده ایشتمدیکنی وشهود مستمعه نك جمله سندن برر بر صورلدقده حریق ایتسنده یوم صداسی طویدقاری سوبلدیلر .

بوشاهد مغردیجك ذات وشهادته نده یه جکی متهمه دن صورلدقده بوشاهدك دخی کیغورقک تبدیل مذهب ایدجگنه دایر اولان روایتدن طولای کتدوسنه خصوصتی اولوب شهادتی قبول ایتیه جگنی وشاهد مغردیجده متهمه به برکونه خصوصتی اولدیغنی بوراسی و افاده لرنده کی تخالف لدی السؤل شهودك جمله سی تبدیل مذهب مسئله سندن متهمه به خصوصتاری بولندیغنی وهربری بیلدیکنی و خاطر لرنده قالدیغنی سرد ایتدیلر .

دیگر شاهد پانغالتیده آق بابا زقاغی بکجیسی قوری چایی اوتوز بش یاشنده رجب بن موسی ايله پانغالتیده بایر زقاغی بکجیسی اوتوز بش یاشنده قوری چایی مصطفی بن حسنك اتی ماه مقدم مملکتلرینه کیتدکری جلبنامه لری زیره محرر شرحدن آکلا- شامغله معاون موسی الیهك طلیله مرقومان رجب ومصطفانك افاده مضبوطه لرینك قرائت ایتدیلمسنه متفقاً قرار ویریلدک تفهیم ایلدی .

افاده مذکوره اوقودتبرلدقده بولاردن رجبك افاده سی مندرجانه نك وقعه کیچه سی ساعت الی یحق راده لرنده اوطه سنده باقمده ایکن آنطوانك سسنی ایشیده رك طیشاری چقدیغنده فوطینی نك خانه سنك ایکنجی قاتنه زقاق اوزرنده کی یخچره نك باقمده اولدیغنی کوردیکی وبوصره ده فوطینی نك جان قورتاران بوقی دیه باغرمقده ایدوکنی وفوطینی نك خانه سنه

کیتدیکنده بر یتاغی طیشاری چکمکده اولدیغنی کوردیك یتاغله کتدوسنی طیشاری چقداردیغنی ومصطفانك افاده سی مالتیک دخی وقعه کیچه سی ساعت بدی بی چاریک کچره ك فوطینی نك خانه سی اوکندن کیدیکی حالده برشی کورمدیکی وایر زقاغنه کیتدیکی زمان آق بابا زقاغده یانغینی کورمکه کیدوب باقدیغند، یانغینك فوطینی نك اوطوردیغنی خانه ايله بوخانه یه متصل اولان خانه نك فصل مشترکی اولان تحت قاپلامه دن چقدیغنی کوردیکی وبوتخته قاپلامه یاقمده اولدیغندن یانغینك هانکی اودن چقدیغنی قطعاً تعیین ایدیه جگنی و یانغینك ظهور ایتدیکی نقطه یه فوطینی نك یخچره سی دها قین ایدوکنی بیاندن عبارت بولندیغنی آکلاشادی .

بوشاهدلرک افاده لرینه قارشو نده یه جکی متهمه دن صورلدقده بر دیه جکی اولدیغنی سوبلدی .

بونك اوزرینه متهمه فوطینی طرفندن اعطا ایدلمش اولان استدعاده اسامیسی محرر مدافعه شهودنك جاب واستاعلرینه متفقاً قرار ویریلدک تفهیم ایلدیکی کي شاهدلردن مریم طوطونك قری ايله دیقرا نك اوغلی پروانت وزوجیه سی فوطینی و بالیزی قالیق وپانغالتیده آق بابا زقاغسده یکریمی بدی نومرولی خانه ده ساکن قوندریجی آقوبك جانب ریاستدن اظهار حقه مدار اولوق اوزره جیلبری تسبب ایلدیکندن آنلرک دخی جیلبری ضمنده محاکمه یوم آخره تعلیق ایلدی .

مارك طقوزنجی یخشدیه کونی متهمه توقیفخانه دن کتوردیلدک وکیل حسین غالب اقدی یاشنده اولدیغنی ومدعی عمومی معاونلرندن عزیزیك حاضر بولندیغنی حالده محاکمه علنیه به دوامله هیتجه قیماً تبدیل وقوعه منی ضبط سابق قرائت ایتدیریلدک مندرجاتی طرفین تصدیق ایلدی .

قاسم یاشاده سافر اغاچنده ساکن جانباز حسین ايله زوجهری کالی و فاطمه واقرباسندن ذکیه نك لوستره جی حسنی ضرب وجرح ایلدکاری ثابت اولدیغندن بولاردن حسینك درت ای وکالی و فاطمه و ذکیه نك بر هفته حبسلرینه

قدقلیده عباسك آخوردنه یتوت ایدن رضا بن حسینك صوبی اسماعیلک اشیا سی سرقت ایلدیکی تحقیق ایتدیکندن اوچ ماه حبسنه وضبطیه جه کفالت آلتیه آلتیه

قوندریجی ایلیانك دقتسزلك ونظاماته رعایتسز- لکه مجروحیتنه سببت وردیکی ادعاسیله مظنون بولنان طاطا وله ده پاپس زقاغده ساکن آندونك

فعل مذکورہ جرأتی ثابت اولدیغندن برهفته حبسنه واجرت جراحیه نك دخی آروجه بالتحصیل مجروح مرقومه اعطاسنه

ترلا باشنده ساکنه برمادموازلک پاره چانطه سنی سرقت ایلدیکی ادعاسیله مظنون بولنان آراستیدی ولد استاورینک فعل سرقت مجاسرتی تحقیق ایتدیکنندن اوچ ماه حبسه و برسنه ضبطیه نظارتی آلتنه آلتسه طومه ایله قاتنه یی ضرب ایدن تپه باشنده ساکنه تری طودوری زوجیه سی قالیوپینک اون کون حبسنه

اسرای زنجیه دن اولدیغی تحقیق ایدن فرح قادینک اسرای زنجیه نظامنامه سنک ایکنجی ماده سی موجبجه یدینه عتقنامه اعطاسنه

پارمق قیوده ساکن ترلکچی محمدک غلطه ده کمر آلتنده ساکنه و یقتوریانی ضرب و جرح ایتدیکی ثابت اولدیغندن اون کون حبسنه

بیوک دره ده چایر باشی محله سنده ساکن یورکینک خانه سنده توتون قییمغه مخصوص هوان و آلات وادوات سائر بولدیغی اکلشلیغندن رژی نظامنامه سنک ۴۷ نجی ماده سی موجبجه آلات وادوات مذکورده نك مصادره سیله برابر اون لیرا جزای نقدی اخذینه

تنظیفات معونه لرنده مستخدم سیواسلی علی بن محمدک غلطه ده شراب اسکلک سنده طودوری ایله استراطینک اشیا لری سرقت ایتدیکی ثابت اولدیغندن اوچ ماه حبسنه و ضبطیه جه کفالتیه ربطه

مارپوچجیلرده صالح اقدی خاندن اقامت ایدن فورچه جی نسیمی ضرب ایلدیکی ادعا اولنان محمدک برهفته حبسنه

مرجانده قصاب شوکت بن محمدی ضرب ایدن خرپوطلی محمد بن عمرک برهفته حبسنه

ساریکزده کراجی باشی محله سنده حلواجی قالداندلی بلبل ولد اسمیلیقوی ضرب ایدن پرزینلی کستانه جی اسکندر بن سلیمانک اون کون حبسنه

غزته موزعی اوخانسی ضرب ایدن بر مطبعه نك اداره کاتیلرندن مختار بکدن بر آلتون آلتیه رق مضروبه اعطاسنه

مولوبخانه قیوسنده ساکن قهوه جی رضایه اطاله لسان ایدن محل مذکورده ساکنه ملک خاندن یارم آلتون جزای نقدی اخذینه

صماتیه ده ساکن ارکری یی ضرب ایدن استاورینک برهفته حبسنه و کذلک مرقومی ضرب ایدن صوفیه دن بر آلتون آلتیه رق ارکری یه اعطاسنه

صولی مناسترده ساکن بسمه جی آرداش ولد

اوسبه اطاله لسان ایدن بلاطده ارمنی کلیسای عقارلرندن برنده ساکن بسمه جی لئون ولد آندوندن یارم آلتون جزای نقدی اخذینه

یکدیگری ضرب ایتیلرندن طولانی برهفته حبسلرینه غیاباً قرار ویریلان بیوک دره ده، دره ایچنده قایقچی خرستو ولد آندریا و محل مذکورده قالداریا محله سنده قایقچی یورکینک اعطا ایتدیگری اعتراض علی الحکم استدعای مدت قانونیه سی ظرفده ویرلمدیکی آکلشلیغندن ردینه

بوی آبادلی سائس حسن بن حسینک یدکده طوتدیغی آنلره کچرکن دقتسزلکنندن ناشی صغوق چشمه ده نیکده لی علی آغانک قهوه سنده بیتوت ایدن سئلده دن حاجی محمد چارپه رق مجروحیتیه وائر جرحدن مرقومک و قاتنه سبیت و یردیکی شهادت و طیب راپوری مندرجاتیه آکلشلیغندن برسنه مدته حبسنه بک اوغلنده ترلا باشنده ترشه زقاغنده مقیمه فرانسه دولتی تبعه سنندن مادام ماری یلتانک ساقز آغاجی جاده سنده لغه زقاغنده قمتونک آلتی نومرولی آبارتماننده مقیم ضیا فائق بکک اچقه واشیاسنی حیل و دسایس ایله طولاندردیغی اخباراتیه ثابت اولدیغندن مزبورده نك اوچاه حبسنه و کسندوسندن اوچ آلتون جزای نقدی اخذینه درسعادت و بک اوغلی بدایت محکمه لری برنجی وایکنجی جزا دائره لرینجه قرار ویرلمشدر.

اعلانات

تجارت بحریه محکمه سنده :

درسعادتده مارپوشجیلرده یارم خاندن ۱۴ نو- مرولی اوطه ده و چارشوی کیرده حاجی حسن زقاغنده ۵ نومرولی دکانده حاضر البسه جیلک ایله مشغول نیقولی البانوسک ۲ کانون ثانی سنه ۳۱۷ تاریخندن اعتباراً اعلان افلاسنه و مصالح افلاسیه نك رؤیت و تسویه سی ضمنتده اعضا ملازمی عزتلو ایوب صبری بکک ژور قومیسر و مکتب حقوق مأذونلرندن بهاء- الدین و بدروس اقدیلرک موقت سندیک تعینلرینه و مغازه لریله اشیا زائده بیتیه سنک تمهیرینه و اوراق و دفاترینک جلبه و کفالت اراؤه ایده مدیکی حالد حبس و توقیفه و بوبابده کی قرارک موقتاً اجراسنه محکمه تجارت بحریه جه قرار ویرلمش اولدیغندن قا- نوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره ۳۱۷ سنه سی کانون ثانیسنک اون یدنجی پنجشنبه کونی ساعت یدی راده-

لرنده اصحاب مطلوبک محکمه مذکورده نك افلاسنه مخصوص اولان اوطه سنه کلری اعلان اولنور. ژور قومیسر

ایکنجی محکمه تجارنده :

بانچه قیوسنده شیرین خاندن مقیم اجزا دیو- زیتوجیسی خرستیدینک ۲۷ کانون اول سنه ۳۱۷ تاریخندن اعتباراً افلاسنه و معاملات افلاسیه نك ایفاسی ضمنتده اعضا ملازمی عزتلو باقو اقدینک ژور قومیسر و دعوی وکیللرندن عاکف بک ایله پارسیخ استانبولیان اقدینک موقت سندیک تعینلرینه و مفلسک تجار تکاهنک تمهیریه کندی و فاملیاسنه الزم قسمک تفریقندن صکره متباقی اشیا بیتیه سنک ثبت دفتر ایدیلرک محافظه سنه واشبو قرارک موقتاً اجراسنه درسعادت ایکنجی تجارت محکمه سنندن قرار ویرلدیکی جهته قانوننامه تجارتک ۱۷۰ نجی ماده سی موجبجه مفلس مرقوم ذمتنده آله جی اولنلرک موقت سندیکلرک اصالتیه تحویلی و یاخود یکدن سندیک انتخاب و تعینی حقنده مومی ایله ژور قومیسر اقدی ایله استشاره اولنق اوزره اشبو بیک اوچیوز اون یدی سنه سی کانون ثانیسنک اون ایکنجی جمعه ایرتسی کونی ایکنجی تجارت محکمه سنک افلاس اوطه سنه کلری اعلان اولنور.

چارشوی کیرک بات پازاری قیوسی جوارنده ۱۷۲ نومرولی دکانده حاضر البسه تاجری یوان عمرلی اوغلنک ۱ کانون ثانی سنه ۳۱۷ تاریخندن اعتباراً افلاسنه و معاملات افلاسیه نك ایفاسی ضمنتده اعضا محکمه دن سعادتلو رضا بکک ژور قومیسر و دعوی وکیللرندن ماناس انوموتارهی اقدی ایله قدری بکک موقت سندیک تعینلرینه و مفلسک تجا- ر تکاهنک تمهیریه کندی و فاملیاسنه الزم قسمک تفریقندن صکره متباقی اشیا بیتیه سنک ثبت دفتر ایدیلرک محافظه سنه واشبو قرارک موقتاً اجراسنه درسعادت ایکنجی تجارت محکمه سنندن قرار ویرلدیکی جهته قانوننامه تجارتک ۱۷۰ نجی ماده سی موجبجه مفلس مرقوم ذمتنده آله جی اولنلرک موقت سندیکلرک اصالتیه تحویلی و یاخود یکدن سندیک انتخاب و تعینی حقنده مومی ایله ژور قومیسر بک ایله استشاره اولنق اوزره اشبو کانون ثانیسنک اون بشنجی صالی کونی ایکنجی تجارت محکمه سنک افلاس اوطه سنه کلری اعلان اولنور.